

國粹叢書第三集

甲申傳信錄

國學保存會印行

光緒三十二年八月十二日發行

定價 洋五角

著者

彭城 錢 軾

印行者

上海鐵馬路北愛而近路
國學保存會

發行所

上海四馬路東惠福里
國粹學報館

序

甲申三月李闖蹂躪晉地取宣大將薄都都城九門晝閉余以三月十有二日南步出左安門闕寺詰之而返十五日晨起東步出齊化門門者以爲謁東嶽大王者也詰而獨與王氏子東走日步行八十餘里止寶坻之染城門村廟中數日聞闖入京師遂不返東行訪路子於遵化謀之道宿山麓之大安村村人秦姓者訊余何行余答曰闖寇入京師然不難復也秦曰此村以東至關門故嘗鏖戰挫敵從軍伍之列者最夥徒以餉匱而令賞不明故悉退不復事軍公能使督以大義令卽萬人可集也明日遂行北至遵化則三月之二十六日也撫臣宋權已拜闖節度使督臣王允吉削髮去而遵化守土之臣方設彩亭龍案拜讀闖寇傳諭郡縣之檄於是余與路子相與愴然自廢而無所復謀矣止數日路子遵海而南余以舅氏在都步行西四月十有六日復入京師以故自李賊犯闕至十六日還都不大詳且一時人士四

方咸集當有紀錄可觀余是以置而不書而徒滯跡於燕三年丙戌冬客從江南携甲申事來所載國變錄甲申紀變國難紀聞見紀略國難睹紀變記確傳燕都日紀陳生再生錄孤臣紀哭陳方策揭凡十餘家猥繁不倫異端叢出一時簡策無所折衷余於是博蒐見聞勤咨與難諸賢講求實錄刊訛謬芟蕪穢補闕遺漏分爲十篇自丁亥至癸巳之秋更七載而後勒成一書名之曰傳信錄而繫之曰甲申所以成一代鼎革之言也或曰子之所言皆信而無疑乎曰作春秋者所見異辭所聞異辭所傳聞亦異辭所見三世所聞四世所傳聞者五世世遠而聞見因以淆三傳所以多龐也太史公成一書而年表與記傳之年世家與列傳之事或自爲抵牾者多亦傳聞者之使然也余雖採之記說諮之耳聞猶從及見余敢以自欺者欺人哉所冀執簡之臣不以忌諱於當時之士謂余狂言可矣余何疑焉當湖樵農錢軾撰

甲申傳信錄目次

卷一

睿謨留憾

癸未八月至
甲申三月紀

卷二

疆場裹革

秦晉燕殉難諸臣
並李闖糾賊附畧


卷三

大行驂乘

甲申三月在
京殉難諸臣

卷四

拓舖遺燹



吳三桂借兵
復仇始末

卷九

戾園疑迹

爲太子
始末

卷十

使臣碧血

左懋第北使
殉節始末

刊

行

甲申傳信錄卷之一

彭城穉農錢 軾著

順德鄧 實校錄

睿謨留憾

大明大行皇帝御諱由檢光宗第五子熹宗弟初封信王熹宗七年丁卯秋

八月崩遺命以上繼大統遂即位

按熹廟大漸時逆璫等將謀逆以魏良卿為輔母后臨朝稱制張后心不允力贊熹

廟密旨召上受禪上欲辭張后遽曰皇叔義不可辭且事急矣宜速謝恩上故拜命即匿上別宮熹廟遂崩魏忠賢及輔臣施鳳來等候詔於外頃之英國公張維賢入挺鞭搜宮上遂得立明年戊辰改元崇禎上英斷天挺承神廟熹廟之後反前

弊黜邪黨勵精謀治勤勤然有中興之思然疆事日警中原內虛加以饑饉薦至寇攘橫出拮据天下十七年而神器遽覆遂死社稷嗚呼英睿謨猷宵衣旰食曾不一舒其懷其留憾何極耶軾癸未仲秋入都迄甲申之變其所見聞者具述其略至於政治紀綱職在太史非野陋之所及近敍危亡之故月日之紀故曰睿謨留憾其艱辛于社稷誠知為君難為臣不易也誌之以

俟作史者取裁

刊

行

崇禎十六年

癸未秋七月上將行秋郊禮以貢士大典禮臣俱董闡事初十日命成國公朱純臣代之先是滿洲兵以壬午秋入南至河陽徵兵四方明年春始集而兵戎且出督臣范志完遏其歸路以隻輪不返爲功輔臣周延儒請視師誓不負詔上從之二臣以大捷告而滿洲盡出初聞捷時上大喜賜太平宴及二臣奸覺上怒甚罷延儒放歸收范志完及趙光汴獄

是歲以兵戎入故公車道梗貢士更以八月二十七日放榜會元陳名夏一榜凡四百人

九月十四日殿試

狀元楊廷鑑

榜眼宋之繩

探花陳名夏

是月闖獻二寇馳躡

懸奇謀異勇富國強

兵成大用以招練廣

冬十月授陳丹衷河

西而闖已陷秦關矣

十一月以潼關告變

陛辭請曰不益餉臣

河上而西安已全陷

閱兵河上聞賊將至

是月殺舊督臣范志

人乙丑進士崇禎十五
萬入京周延儒遺長班
幾受事竭貲犒士延儒

方岳貢

邱瑜

李建泰

范景文

右四人十二月上旬爲相

是月舊輸臣周延儒復徵入京賜死

十五日戒五城清道馳西域所獻千里馬上欲試之尋罷

二十日賊從沙渦渡河攻平陽知府張嶙然以城先降而三晉聞之風靡矣
崇禎十七年甲申春正月朔旦朝罷上揖閣臣賜茶閣臣並云庫藏久虛外
餉不至一切邊費刻不可緩所恃者皇上內帑耳上默然良久曰今日內帑
難以告先生語畢潛然淚下

初九日賊牒文兵部署文以大順永昌年號約戰三月十日至兵部執訊之

乃京師人從涿州還遇逆旅人暴病云山西撫
劇與銀十兩使遞兵部以爲詐斬之上以賊急
朕分憂乎李建泰自言臣西人頗知賊中事臣
賊否則毋使東渡建泰復奏進士石隆願單騎
部召募忠勇勸輸義餉剿賊立功否則內守西
欲用之建泰復言俟臣到西酌其可用請之

十六日命輔臣李建泰督師勦賊告廟賜劍御
如朕親行上日送之二里許方還宮以兵部主
占者以爲不利行師而建泰所乘轎折杠時京
從行十七日從兵逃歸者三千建泰氣阻遲遲
士程源送建泰至眞定曰今公此行當兼程抵
三晉失守無可爲矣



是月上以太監盧惟寧高起潛杜勳等十人爲天津通州薊鎮宜府山海山東兩淮江浙兩粵各鎮監軍

二十六日命戶部尙書倪元璐歸翰林詹事專候聽講別推戶部尙書繼以大理寺寺丞吳履中爲戶侍郎管尙書事

二十八日上命閣臣傳五府六部各入授以手劄各修戰守事宜彙進上上御文華殿各劄旣進左諭德李明睿少詹項煜請上南遷都御史李邦華請太子監國南京上返覆觀之怒甚少間色漸平事竟留宮中不發

三月初一日召對陳州生員張鏐中左門請皇子監國南京擇一二老臣忠愛大臣輔之左諭德李明睿請南遷日日上奏翰林戶部尙書倪元璐都御史李邦華請太子監國南京上曰朕方責諸臣以大義而使太子出是倡逃也其謂社稷何會科臣光時亨具奏以爲不可議遂寢

是月昌平兵變官衛民舍焚却殆盡撫臣何謙捕斬亂首撫之

初二日榆林陷告廷議調寧遠總兵吳三桂道遠未進劉澤清不奉詔劉澤清嘗云天下變山東不爲他人有耳

初三日傳諭守城盤詰出入命輔臣魏藻德兼兵部尚書駐天津調兵方岳貢兼戶部尚書駐濟寧督漕會有北人上言各官不可使出卽潛遁無爲朝廷用者遂止不遣尤輔臣陳演蔣德璟致仕回籍

初四日賊陷寧武鎮臣周遇吉力戰死之命襄城伯李國楨練京營兵守西直門

欽天監奏帝星下移詔百官修省而大僚職官飲酒高會如太平時

初五日李建泰以病告兵士逃亡畧盡上時發內帑數萬調宣府太監杜勳山海關總兵唐通協守居庸關

初六日會議措餉凡在獄犯官如曾 纓 董象恒 侯 恂 王志舉

王永祚 陳睿謨 鄭三陽七人皆充餉贖罪